

GARIS PANDUAN PERMOHONAN PENYENARAIAAN **PENGUSAHA MAKANAN** **SEDIAAN DI RUMAH** (HOME-BASED FOOD)



ISI KANDUNGAN



BIL.	PERKARA	MUKA SURAT
1	PENGENALAN	1
2	PERMOHONAN PENYENARAIAAN PENGUSAHA MAKANAN SEDIAAN DI RUMAH (HOME-BASED FOOD)	1
3	SYARAT KELULUSAN PENYENARAIAAN	1
4	SENARAI KATEGORI MAKANAN YANG TIDAK TAWARKAN PERMOHONAN	3
5	SYARAT PELABELAN MAKANAN	5
6	PROSEDUR PERMOHONAN PENYENARAIAAN	8
7	TEMPOH SAH LAKU PENYENARAIAAN	11
8	PENGUNAAN LOGO DAN NOMBOR PENYENARAIAAN	11
9	PEMBATALAN PENYENARAIAAN	11
10	PENAMBAHAN SENARAI PRODUK	13
11	CARTA ALIR PROSES PENYENARAIAAN	14
12	LOGO DAN NOMBOR PENYENARAIAAN	15
13	PENGECUALIAN	16
14	LAMPIRAN	17

1. PENGENALAN

Penyenaraian Pengusaha Makanan Sediaan di Rumah (Home-based Food) ini diperkenalkan bagi menggalakkan pengusaha *home-based food* mengamalkan amalan kebersihan dan penyediaan makanan yang selamat seterusnya mematuhi keperluan perundangan semasa. Melalui penyenaraian ini, pengusaha *home-based food* mampu meningkatkan keyakinan pengguna ke atas tahap keselamatan makanan *home-based food* yang dihasilkan, sekaligus meningkatkan hasil jualan melalui penggunaan logo pada label produk mereka.

2. PERMOHONAN PENYENARAIAAN PENGUSAHA HOME-BASED FOOD

Penyenaraian pengusaha makanan sediaan di rumah (home-based food) ini terbuka kepada pengusaha *home-based food* yang menghasilkan makanan di dapur rumah untuk tujuan jualan dan memenuhi syarat ditetapkan oleh Bahagian Keselamatan dan Kualiti Makanan.

3. SYARAT KELULUSAN PENYENARAIAAN

- a) Pengusaha iaitu pemohon **berdaftar** dengan Kementerian Kesihatan Malaysia melalui laman sesawang <https://fosim.moh.gov.my> secara *online*.
- b) Melaksanakan amalan kebersihan makanan yang baik seperti dalam **Garis Panduan Keselamatan Makanan Bagi Makanan Sediaan di Rumah (Home-based Food)** dan membuat semakan secara sendiri menggunakan Senarai Semak Kendiri Pengusaha Makanan Sediaan di Rumah (Home-based Food) seperti di Lampiran-4.

- c) Semua pengendali makanan telah hadir **Latihan Pengendali Makanan dengan mana-mana Sekolah Latihan Pengendali Makanan (SLPM) yang diiktiraf oleh Kementerian Kesihatan Malaysia (KKM)**. Senarai SLPM yang diiktiraf boleh dimuat turun di laman sesawang <https://fosim.moh.gov.my>.
- d) Semua pengendali makanan telah mendapat **pelalian vaksin anti-tifoid**. Syarat ini turut terpakai kepada pengusaha atau pemohon sendiri sebagai pemunya perniagaan.
- e) **Mempunyai label makanan** dengan memenuhi keperluan perundangan yang ditetapkan.

Penyenaraian pengusaha makanan sediaan di rumah (home-based food) ini diberikan secara PERCUMA

4. SENARAI KATEGORI MAKANAN YANG TIDAK DITAWARKAN PERMOHONAN

Tidak semua jenis makanan yang dihasilkan dari rumah adalah ditawarkan penyenggaraan. Terdapat makanan tertentu yang berisiko tinggi untuk dihasilkan di dapur kediaman dan memerlukan kawalan tertentu dalam fasiliti pengilangan dan tertakluk kepada keperluan perundangan. Antara kategori makanan yang tidak ditawarkan untuk membuat permohonan adalah seperti berikut:

a) Makanan Bertujuan Khas

Merujuk kepada Peraturan-Peraturan Makanan 1985, "makanan bertujuan khas" adalah makanan kepada golongan tertentu yang memerlukan keperluan pemakanan khusus. Senarai makanan adalah seperti di Lampiran 6 Senarai 1 dan 2.

b) Produk Susu dan Hasilan Susu

Produk ini adalah termasuk makanan dalam kategori susu dan hasilan susu yang melibatkan proses berisiko tinggi seperti pempasteuran. (Rujuk Lampiran 6 - Senarai 3). Bagi produk makanan yang ada menggunakan susu sebagai salah satu bahan mentah, permohonan adalah berdasarkan penilaian awal sekretariat.

c) Makanan Yang Memerlukan Lesen

Makanan yang disyaratkan lesen di bawah Peraturan-Peraturan Makanan 1985 seperti air minuman berbungkus, air mineral semulajadi dan ais.

d) Minuman Beralkohol

Ini adalah termasuk semua minuman beralkohol atau likuor atau apa jua minuman hasil penapaian buah, sayur, bunga, madu, beras, sekoi, molasses, atau kombinasi bahan yang menghasilkan alkohol.

- e) KKM boleh menambah senarai makanan yang tidak dibenarkan mengikut keperluan.
- f) Makanan yang mengandungi bahan yang beracun serta memudaratkan kesihatan.

5. SYARAT PELABELAN MAKANAN

Antara syarat utama kelulusan penyenggaraan adalah pelabelan makanan. Berikut disenaraikan keperluan maklumat yang perlu dinyatakan pada label produk:

- a) Semua makanan perlu mematuhi keperluan di bawah Peraturan-Peraturan Makanan 1985 termasuk standard dan keperluan pelabelan. Pengusaha perlu memastikan kepatuhan secara sendiri terhadap keperluan ini.
- b) Maklumat pada label perlu dinyatakan dalam Bahasa Malaysia, terjemahan ke bahasa lain adalah dibenarkan diletak bersama.
- c) Akuan / tuntutan kesihatan adalah tidak dibenarkan dinyatakan pada label. Antara contoh akuan/ tuntutan kesihatan adalah seperti:

”MINUMAN INI BOLEH MENYEMBUHKAN PENYAKIT”

”PRODUK INI BERKESAN MENGURUSKAN BADAN”

- d) Jika makanan itu mengandungi daging lembu atau daging babi, atau terbitannya, atau lemak babi, perlu dinyatakan pada label seperti berikut:

”MENGANDUNGI (nyatakan DAGING LEMBU/ DAGING BABI)”

- e) Jika makanan itu mengandungi alkohol, perlu dinyatakan pada label seperti berikut:

”MENGANDUNGI ALKOHOL”

- f) Bagi produk yang mengandungi ‘babi’ atau ‘alkohol’; sekiranya tiada pernyataan/deklarasi kandungan ‘babi’ atau ‘alkohol’ pada label, permohonan tidak boleh disokong sehingga pembetulan label dibuat oleh pemohon.

- d) Panduan pelabelan makanan di bawah adalah melibatkan dua jenis makanan iaitu makanan sedia dimakan terus (Ready-To-Eat-RTE) dan juga makanan terproses. Maklumat asas yang perlu ada pada label makanan sediaan di rumah (home-based food) adalah seperti di bawah:

CONTOH LABEL MAKANAN RTE



CONTOH LABEL MAKANAN TERPROSES

Senarai ramuan perlu dinyatakan bagi semua bahan yang digunakan.

Ramuan:
(Senaraikan semua bahan mentah mengikut berat menurun)

PENANDAAN TARIKH

NAMA MAKANAN

Nama makanan perlu dinyatakan sebagai nama sebutan sebenar makanan.

Nama dan alamat pengusaha perlu dinyatakan pada label.

Dikeluarkan oleh:
Anne Abdullah
(AA Enterprise)
No. 11, Jalan 1/11
Taman Satu
111111 Kampung Satu
Kuala Lumpur

Berat Bersih: 200 g

Berat Bersih perlu dinyatakan pada label produk

Pernyataan Berat Bersih tidak boleh mempunyai simbol “±”.

Berat Bersih boleh dibuat dalam format “checkbox”

Penandaan tarikh dinyatakan dalam huruf besar dan tebal (bold) seperti berikut:

‘TARIKH AKHIR’ atau **‘TH AKHIR’**; atau

‘GUNA SEBELUM’ atau **‘GUNA SBL’**; atau

‘BAIK SEBELUM’ atau **‘BAIK SBL’**

6. PROSEDUR PERMOHONAN PENYENARAIAAN

6.1 Pemohon perlu mengemukakan dokumen permohonan seperti berikut:

SENARAI DOKUMEN	RUJUKAN/ KRITERIA
Borang Permohonan	Lampiran-2. Perlu diisi dengan lengkap termasuk emel.
Salinan kad pengenalan pemohon	Hanya Kad Pengenalan sahaja diterima.
Salinan Pendaftaran Suruhanjaya Syarikat (SSM)- (jika ada)	SSM hanya sebagai tambahan sahaja dan tidak diwajibkan.
Perakuan pendaftaran premis (FoSIM), KKM (atas nama Pemohon/ Pengusaha)	Rujuk Contoh di Lampiran-A. Maklumat pada pendaftaran FoSIM seperti Nama, Alamat dan Jenis Perniagaan perlu sama dengan maklumat pemohon pada Borang Permohonan.
Salinan Sijil Latihan Pengendali Makanan dari Sekolah Latihan Pengendali Makanan yang diiktiraf KKM	Perlu ada bagi Pemohon/ Pengusaha dan semua pengendali makanan yang disenaraikan pada Borang Permohonan.
Salinan pelalian vaksin anti-tifoid	Perlu ada bagi Pemohon/ Pengusaha dan semua pengendali makanan.
Label produk makanan	<p>a) Pemohon perlu mengemukakan label makanan yang ditampal atau dicetak pada pembungkus makanan dalam bentuk gambar cetakan asal label/ artwork label/ salinan digital.</p> <p>b) Label perlu jelas dan boleh dibaca.</p> <p>c) Label perlu disertakan bagi semua produk makanan yang disenaraikan dalam borang permohonan</p> <p>d) Pemohon boleh merujuk contoh label yang diberikan dalam garis panduan ini sebagai panduan.</p>

SENARAI DOKUMEN	KRITERIA
<p>Gambar dapur / ruang penyediaan makanan</p>	<p>Gambar yang dikemukakan perlu meliputi keseluruhan kawasan penyediaan dan pembungkusan makanan seperti berikut:</p> <ul style="list-style-type: none"> a) Ruang penyediaan /pemprosesan /memasak/ pencucian (Memaparkan perkakas dan peralatan yang digunakan) b) Ruang pembungkusan (Memaparkan ruang yang digunakan untuk membungkus dan melabel makanan) c) Ruang penyimpanan bagi bahan mentah dan bahan pembungkus (Memaparkan ruang penyimpanan bahan mentah sejuk/ sejuk beku/ kering mana yang berkaitan dengan pemprosesan makanan yang dijalankan) d) Ruang simpanan produk akhir (Memaparkan ruang simpanan bagi produk yang telah siap dibungkus) e) Gambar hadapan rumah yang menampakkan bahagian dapur/kawasan penyediaan makanan.
<p>Senarai produk makanan</p>	<p>Lampiran-3. Nama sebutan sebenar perlu ditulis dengan lengkap dalam ejaan penuh.</p>
<p>Senarai Semak Kendiri Pengusaha Makanan Sediaan di Rumah (Home-based Food)</p>	<p>Lampiran-4. Diisi satu salinan sahaja.</p>

- 6.2 Borang permohonan yang telah lengkap berserta dokumen lain perlu dikemukakan ke Pejabat Kesihatan Daerah / Bahagian / Kawasan atau Jabatan Kesihatan Negeri terdekat. Permohonan juga boleh diemelkan ke homebasedfood.bkkm@moh.gov.my.
- 6.3 Pemohon akan dimaklumkan melalui emel sekiranya permohonan didapati tidak lengkap.
- 6.4 Permohonan yang lengkap akan melalui panel pelulus di peringkat JKN
- 6.5 Permohonan yang telah disokong akan dikemukakan ke Ibu Pejabat Bahagian Keselamatan dan Kualiti Makanan (IPBKMM) dan ditandatangani oleh Pengarah Kanan.
- 6.6 Pemohon akan dimaklumkan status kelulusan melalui emel berserta salinan sijil dan ulasan pembetulan label sekiranya ada. Manakala sijil asal akan diposkan ke alamat pemohon seperti dinyatakan pada Borang Permohonan.
- 6.7 Pengusaha yang telah mendapat sijil penyenaraian Pengusaha Makanan Sediaan di Rumah (Home-based Food) perlu membuat pembetulan label dan mengemukakan semula salinan label yang telah dibetulkan ke JKN/PKD/PKK/PKB dalam tempoh sah laku sijil.
- 6.8 Tempoh pengeluaran sijil adalah selama tiga (3 hari) hari bekerja dari tarikh penerimaan kelulusan di peringkat IPBKMM.
- 6.9 Pihak KKM akan melaksanakan lawatan verifikasi ke dapur pengusaha mengikut keperluan.

7. TEMPOH SAH LAKU PENYENARAIAAN

Tempoh sah laku penyenaraian adalah selama tiga (3) tahun. Pengusaha perlu membuat permohonan pembaharuan penyenaraian sekurang-kurangnya tiga (3) bulan sebelum tamat tempoh.

8. PENGGUNAAN LOGO DAN NOMBOR PENYENARAIAAN

Pengusaha yang telah mendapat penyenaraian boleh menggunakan logo pada pembungkus produk, iklan dan juga media sosial perniagaan selagi dalam tempoh penyenaraian. Logo hanya boleh digunakan pada label pembungkus makanan yang telah disenaraikan pada sijil sahaja.

9. PEMBATALAN PENYENARAIAAN

Penyenaraian ini boleh dibatalkan atas sebab-sebab seperti berikut:

- a) Sekiranya didapati produk yang dihasilkan oleh pemohon terbukti melanggar Akta Makanan 1983 dan peraturan-peraturan di bawahnya.
- b) Terdapat kes keracunan makanan yang telah disahkan oleh pihak KKM.
- c) Terdapat aduan berkaitan keselamatan makanan atau kacau ganggu yang disiasat dan disahkan oleh agensi atau badan berkaitan.
- d) Pengusaha telah bertukar ke lokasi/ alamat rumah yang lain.
- e) Pengusaha tidak lagi beroperasi dari rumah.
- f) Pengusaha didapati gagal memenuhi kriteria kebersihan makanan seperti dinyatakan dalam Garis Panduan Permohonan Penyenaraian Pengusaha Makanan Sediaan di Rumah (Home-Based Food).


- g) Pengusaha didapati gagal memenuhi kriteria kebersihan makanan seperti dinyatakan dalam Garis Panduan Permohonan Penyenaraian Pengusaha Makanan Sediaan di Rumah (Home-Based Food).
- h) Pengusaha tidak dibenarkan menggunakan logo dan nombor penyenaraian selepas pembatalan.
- i) Pengusaha yang telah dikenakan tindakan pembatalan boleh mengemukakan permohonan baru kepada Ibu Pejabat BKMM dalam tempoh enam (6) bulan dari tarikh pembatalan.

Pengusaha *home-based food* bertanggungjawab untuk memastikan syarat-syarat di bawah Pihak Berkuasa Tempatan (PBT) dan mana-mana agensi yang berkaitan adalah dipatuhi.

10. PENAMBAHAN SENARAI PRODUK MAKANAN

- a) Pengusaha yang telah mendapat penyenaraian boleh membuat permohonan penambahan produk makanan sekali sahaja dalam tempoh sah laku sijil.
- b) Permohonan penambahan produk makanan hanya dibenarkan bagi produk baru dengan label baru yang berbeza dari variasi produk yang telah disenaraikan dalam sijil terdahulu.
- c) Pengusaha perlu mengisi Borang Penambahan Senarai Produk seperti di Lampiran 5.
- d) Hanya permohonan yang memenuhi kriteria di 10 (b) sahaja yang akan dipertimbangkan.
- e) Senarai produk tambahan akan dinyatakan sebagai lampiran sijil asal sahaja dan tiada sijil baru akan dikeluarkan.

11. CARTA ALIR PROSES PENYENARAIAAN



Sijil akan dikeluarkan dalam tempoh tiga (3) hari bekerja selepas penerimaan maklumat kelulusan di peringkat Ibu Pejabat

12. LOGO DAN NOMBOR PENYENARAIAAN

Pengusaha *home-based food* yang tersenarai akan memperolehi sijil dan mendapat nombor penyenaraian KKM. Pengusaha boleh menggunakan logo di bawah pada label makanan, iklan, laman promosi perniagaan dan juga bahan promosi yang lain mengikut spesifikasi logo yang ditetapkan.



Nombor penyenaraian boleh diletakkan bersama logo seperti contoh di atas.

SPESIFIKASI LOGO

Warna

Hitam (Hex#000000)

RGB 0/0/0, CMYK 75/68/87/90 dan

Putih (Hex#FFFFFF) dan

Oren (Hex#F05123),

RGB 240/81/35 CMYK 0/84/100/0

Latar Belakang : *Transparent*

13. PENGECUALIAN

- a) Pihak PKKM boleh memberi kebenaran atau pengecualian ke atas garis panduan ini bagi kes-kes tertentu (case by case).
- b) Pihak PKKM berhak untuk membatalkan mana-mana permohonan yang tidak mengikut syarat yang ditetapkan

Untuk sebarang pertanyaan lanjut, hubungi kami di lokasi berhampiran dengan anda seperti alamat dan nombor telefon di Lampiran 7.

SENARAI LAMPIRAN

LAMPIRAN- A **CONTOH SLIP PERAKUAN PENDAFTARAN PREMIS (FOSIM)**

LAMPIRAN 1:
SENARAI SEMAK KECUKUPAN DOKUMEN PERMOHONAN
PENYENARAIAAN PENGUSAHA MAKANAN SEDIAAN DI RUMAH (HOME-
BASED FOOD)

LAMPIRAN 2:
BORANG PERMOHONAN PENYENARAIAAN PENGUSAHA MAKANAN
SEDIAAN DI RUMAH (HOME-BASED FOOD)

LAMPIRAN 3:
BORANG PENGESAHAN MAKLUMAT SIJIL PENYENARAIAAN

LAMPIRAN 4:
SENARAI SEMAK KENDIRI PENGUSAHA MAKANAN SEDIAAN DI
RUMAH (HOME-BASED FOOD)

LAMPIRAN 5:
BORANG PERMOHONAN PENAMBAHAN PRODUK

LAMPIRAN 6:
SENARAI MAKANAN TIDAK DIBENARKAN DAN PENGECUALIAN DI
BAWAH KATEGORI MAKANAN BERTUJUAN KHAS SERTA SUSU DAN
HASILAN SUSU

LAMPIRAN 7:
SENARAI JABATAN KESIHATAN NEGERI

CONTOH SLIP PERAKUAN PENDAFTARAN PREMIS (FOSIM)



PROGRAM KESELAMATAN DAN KUALITI MAKANAN
KEMENTERIAN KESIHATAN MALAYSIA

Aras 4, Menara Prisma, No 26, Jalan Persiaran Perdana, Presint 3, 62675 Putrajaya.

JADUAL KEDUA

[Peraturan 5]

AKTA MAKANAN 1983

PERATURAN-PERATURAN KEBERSIHAN MAKANAN 2009

PERAKUAN PENDAFTARAN PREMIS MAKANAN

No. Pendaftaran :

FSSMXXXXXXXX-X

Perakuan Pendaftaran dengan ini diberikan kepada

ANNE ABDULLAH

No. K/P : xxxxxx-xx-xxxx

(NO. KAD PENGENALAN)

yang menjalankan perniagaan di atas nama

xxxxxx-xx-xxxx

di alamat tetap

xxxxxx-xx-xxxx

Jenis perniagaan : P3-PREMIS DI MANA MAKANAN DISEDIA, DIPROSES, DISIMPAN DAN
DIHIDANGKAN UNTUK JUALAN

PERUSAHAAN MAKANAN DI RUMAH / HOME BASE

Tempat Perniagaan :

xxxxxx-xx-xxxx

xxxxxx-xx-xxxx

xxxxxx-xx-xxxx

Perakuan pendaftaran ini tamat tiga tahun dari tarikh

23-05-2022

t.t.

Pengarah atau Pegawai Yang Diberi Kuasa oleh Pengarah
Kementerian Kesihatan Malaysia

Tarikh : 23-05-2022

Ini adalah cetakan komputer. Tanda tangan tidak diperlukan

Nota: Perakuan Pendaftaran Premis Makanan ini tidak boleh dipindah milik.

Tempoh : 23-05-2022 - 23-05-2025

Notis ini perlu dipaparkan di dalam premis.



**SENARAI SEMAK KECUKUPAN DOKUMEN PERMOHONAN
PENYENARAIAAN PENGUSAHA MAKANAN SEDIAAN DI RUMAH (HOME-
BASED FOOD)**

Lampiran-1

Sila isi senarai semak ini dan kemukakan bersama dokumen permohonan.

BIL	SENARAI DOKUMEN	PEMOHON	KEGUNAAN PEJABAT
		TANDAKAN ADA (✓), TIADA (X)	TANDAKAN ADA (✓), TIADA (X)
1	Borang Permohonan (perlu lengkap semua butiran)		
2	Salinan kad pengenalan pemohon (pengusaha sendiri)		
3	Salinan Pendaftaran Suruhanjaya Syarikat (SSM) – jika ada/ opsyen		
4	Perakuan pendaftaran (FoSIM), KKM		
5	Salinan Sijil Latihan Pengendali Makanan (bagi pemohon/ pengusaha dan semua pengendali makanan)		
6	Salinan pelalian vaksin anti-tifoid (bagi pemohon/ pengusaha dan semua pengendali makanan)		
7	Label bagi setiap produk yang disenaraikan		
8	Gambar dapur / ruang penyediaan makanan (yang menggambarkan keseluruhan dapur rumah)		
9	Senarai produk makanan (perlu lengkap)		
10	Senarai Semak Kendiri Pengusaha Makanan Sediaan di Rumah (Home-based Food)		

Nama Pemohon/Pengusaha:

.....

Tandatangan:

Tarikh :

UNTUK KEGUNAAN PEJABAT:

Disemak Oleh :

Tandatangan :

Nama Pegawai :

Cop :

Tarikh :



**BORANG PERMOHONAN PENYENARAIAAN PENGUSAHA
MAKANAN SEDIAAN DI RUMAH (HOME-BASED FOOD)**

A	MAKLUMAT PEMOHON			
1.	Nama Pemohon :	2.	No. Kad Pengenalan :	
3.	Alamat Premis :	4.	Nama Syarikat (Jika Ada) :	
5.	No. Telefon :	6.	Emel (Pastikan emel adalah sah dan ditulis dengan jelas) :	
B	MAKLUMAT DAPUR DAN PENGENDALI MAKANAN			
7.	Anggaran Keluasan Dapur : _____ m ²	8.	Bil. Pengendali Makanan :	9. Bil. Hadir Latihan Pengendali Makanan (LPM) :
				10. Bil. Mendapat Pelalian Vaksin Anti-Tifoid : _____
C	MAKLUMAT MAKANAN			
11.	Nama produk makanan yang dihasilkan: (gunakan lampiran jika ruang tidak mencukupi)	12. Nama Laman Sosial (jika ada):		
		Facebook : _____		
		Instagram : _____		
		Lain-Lain : _____		
D	DOKUMEN SOKONGAN			
	a. Salinan kad pengenalan pemohon b. Salinan pendaftaran Suruhanjaya Syarikat (SSM) (jika ada) c. Perakuan pendaftaran (FoSIM), KKM d. Salinan sijil Latihan Pengendali Makanan (LPM) e. Salinan pelalian vaksin anti-tifoid		f. Label produk makanan g. Gambar dapur (Rujuk Lampiran 1) h. Borang Pengesahan Maklumat Sijil dan Senarai Produk (Lampiran-3) i. Senarai Semak Kendiri Pengusaha Makanan Sediaan di Rumah (Home-based Food)-Lampiran-4	
E	PENGESAHAN PERMOHONAN			
Saya _____ (nama) dengan ini mengaku bahawa kenyataan di atas dan lampiran yang disertakan adalah benar.				
TANDATANGAN PEMOHON :				
Tarikh: _____				
Nota: Permohonan dianggap tidak lengkap sekiranya pemohon tidak mengisi semua maklumat yang dinyatakan dalam borang ini.				



BORANG PENGESAHAN MAKLUMAT SIJIL PENYENARAIAAN

Nama Pengusaha (mengikut Kad Pengenalan)	:	_____
Alamat Rumah (ejaan penuh)	:	_____ _____ _____ _____ _____

Senarai Produk (sila nyatakan nama sebenar makanan di ruang di bawah)

BIL	NAMA PRODUK	JENAMA (JIKA ADA)

Nota:

Sila isikan maklumat dengan betul.

Maklumat ini akan digunakan pada sijil Penyenaraian



SENARAI SEMAK KENDIRI PENGUSAHA MAKANAN SEDIAAN DI RUMAH (HOME-BASED FOOD)

BIL	SENARAI SEMAK	(√ Laksana / X Tidak)
1	Patuhi syarat asas pengendali makanan:	
	<ul style="list-style-type: none"> Latihan Pengendali Makanan Pelalian vaksin anti-tifoid 	
2	Amalkan kebersihan makanan yang betul sepanjang mengendalikan makanan:	
	<ul style="list-style-type: none"> Kerap cuci tangan dengan sabun Guna papan pemotong dan pisau berasingan untuk potong sayur / buah; ayam / daging / makanan laut; roti Memakai penutup kepala Sentiasa memastikan tempat penyediaan makanan dalam keadaan bersih dan dinyahjangkit Guna penyepit atau sarung tangan semasa mengendalikan makanan yang telah siap dimasak 	
3	Dapatkan bekalan bahan mentah dari sumber yang bersih:	
	<ul style="list-style-type: none"> Periksa dahulu bahan mentah seperti ayam, daging, ikan supaya dalam keadaan baik. Jangan guna bahan mentah yang berbau atau sudah rosak Dapatkan bekalan secara harian jika tiada kemudahan penyimpanan sejuk yang mencukupi 	
4	Sedia dan kendalikan makanan dengan baik:	
	<ul style="list-style-type: none"> Masak makanan dengan sempurna. Basuh bersih bahan mentah sebelum dimasak Sedia dan masak di bawah pencahayaan yang mencukupi supaya pencemaran senang dikesan. Elak guna penyembur serangga pada permukaan penyediaan makanan Sentiasa lupus sampah dan bersihkan kawasan penyediaan makanan untuk elak haiwan perosak. 	
5	Bungkus makanan dengan sempurna menggunakan bekas yang berasingan dan sertakan maklumat lengkap:	
	<p>Makanan sedia dimakan (ready-to-eat):</p> <ul style="list-style-type: none"> Gunakan pembungkus yang sesuai mengikut jenis makanan Jika makanan adalah berlainan jenis, guna bekas pembungkus makanan yang mempunyai ruang berasingan atau bungkus dalam plastik secara berasingan Nyatakan maklumat seperti nama makanan, senarai ramuan, berat bersih, nama dan alamat pengusaha / pengeluar, tarikh dan masa makanan siap dimasak <p>Makanan terproses:</p> <ul style="list-style-type: none"> Guna bekas / pembungkus makanan yang sesuai Nyatakan maklumat seperti nama makanan, senarai ramuan, berat bersih, nama dan alamat pengusaha / pengeluar dan tarikh luput 	

BORANG PERMOHONAN PENAMBAHAN PRODUK

A	MAKLUMAT PEMOHON	
1.	Nama : _____ Pemohon	2. No. Kad : _____ Pengenalan
3.	No. Penyenaraian : _____	
B	MAKLUMAT SENARAI PRODUK TAMBAHAN	
<i>Sila senaraikan nama produk makanan sebenar. Gunakan lampiran berasingan sekiranya ruang tidak menckupi.</i>		
C	DOKUMEN SOKONGAN	
<p>a. Salinan sijil Penyenaraian Pengusaha Makanan Sediaan di Rumah (Home-based Food)</p> <p>b. Label / artwork label bagi setiap produk (perlu jelas dan boleh dibaca)</p> <p>c. Gambar dapur/ ruang penyediaan makanan produk baru yang ditambah sekiranya berbeza.</p>		
D	PENGESAHAN PERMOHONAN	
<p>Saya _____ (nama) dengan ini mengaku bahawa kenyataan di atas dan lampiran yang disertakan adalah benar.</p> <p>TANDATANGAN PEMOHON :</p> <p>_____</p> <p style="text-align: right;">Tarikh: _____</p>		

Permohonan bagi tambahan produk hanya dibenarkan satu (1) kali sahaja dalam tempoh penyenaraian. Sekiranya terdapat produk baru, tuan/ puan boleh kemukakan label produk tersebut bersama dokumen permohonan pembaharuan sijil selewatnya tiga (3) bulan sebelum tamat tarikh sah laku sijil.



**SENARAI MAKANAN TIDAK DIBENARKAN DAN PENGECUALIAN DI BAWAH
KATEGORI MAKANAN BERTUJUAN KHAS SERTA SUSU DAN HASILAN SUSU**

Senarai 1

Rujukan Peraturan-Peraturan Makanan 1985

389	Rumusan bayi.
389A.	Rumusan susulan.
390	Makanan berkaling untuk bayi dan kanak-kanak kecil.
391	Makanan diproses yang berasaskan bijirin untuk bayi dan kanak-kanak kecil.

Senarai 2

Rujukan Peraturan-Peraturan Makanan 1985

392	Makanan tenaga rendah.
393	Makanan pendietan berformula.
393A.	Makanan diet khas dengan kandungan natrium rendah termasuk pengganti garam.

Senarai 3

Rujukan Peraturan-Peraturan Makanan 1985

82	Susu, susu mentah atau susu segar.
83	Hasil susu.
84	Susu skim, susu tanpa lemak atau susu pisahan.
85	Susu pasteur.
86	Susu steril.
87	Susu suhu ultra tinggi atau U.H.T.
88	Sebutan mengenai susu sebagai makanan.
89	Susu berperisa.
90	Susu tepung penuh krim atau susu penuh krim kering.
91	Susu tepung skim, pepejal susu tanpa lemak kering atau susu tepung pisahan.
91A.	Susu tepung malt.
91B.	Susu tepung rumusan untuk kanak-kanak.
92	Susu campuran semula.
93	Susu bancuhan.
94	Susu sejat atau susu pekat tawar.
95	Susu pekat atau susu pekat manis.
96	Susu hidrolisis laktosa.
97	Susu isian.
97A.	Susu tepung isian.
98	Susu isian sejat atau susu isian pekat tawar.
99	Susu isian pekat atau susu isian pekat manis.
101	Krim Pasteur.
113	Susu kultur atau susu fermentasi.

SENARAI JABATAN KESIHATAN NEGERI

1.	Ibu Pejabat Bahagian Keselamatan dan Kualiti Makanan Kementerian Kesihatan Malaysia Aras 4, Menara Prisma No. 26, Jalan Persiaran Perdana, Presint 3 62100 Wilayah Persekutuan Putrajaya	Tel : 03-8885 0796 / 0797 Fax : 03 88850790
2.	Jabatan Kesihatan Negeri Selangor Tingkat 9, 10, 11 & 17, No. 1, Wisma Sunway, Jalan Tengku Ampuan Zabedah C 9/C, Seksyen 9 40100 Shah Alam Selangor	Tel: 603-5123 7333/ 334/ 335 Faks: 603-5123 7209 (Pengurusan)
3.	Jabatan Kesihatan W.P Kuala Lumpur dan Putrajaya Jalan Cenderasari, 50590 Kuala Lumpur Wilayah Persekutuan Kuala Lumpur	Tel: 03-2268 7333 Faks: 03-2268 7555
4.	Jabatan Kesihatan Negeri Melaka Tingkat 3, 4, dan 5, Wisma Persekutuan Jalan Business City Bandar MITC 75450 Ayer Keroh Melaka	Tel: 06-2356999 Faks: 06-2345969
5.	Jabatan Kesihatan Negeri Sembilan Jalan Rasah 70300 Seremban Negeri Sembilan Darul Khusus	Tel: 06-7664800 Faks: 06-7648613 (Am) / 06-7638543 (Pengarrah)
6.	Jabatan Kesihatan Negeri Johor Tingkat 3 & 4 Blok B Wisma Persekutuan, Jalan Air Molek 80590 Johor Bahru Johor Darul Takzim	Tel: 07-2245188/189/190 Faks: 07-2247361
7.	Jabatan Kesihatan Negeri Perak Jalan Panglima Bukit Gantang Wahab 30590 Ipoh Perak Darul Ridzuan	Tel: 05-2456000 Faks: 05-2438090
8.	Jabatan Kesihatan Negeri Kedah Simpang Kuala, Jalan Kuala Kedah 05400 Alor Setar Kedah Darul Aman	Tel: 04-7741000 Faks: 04-7741030

Lampiran-7

9.	Jabatan Kesihatan Negeri Pulau Pinang (Bahagian Pengurusan) Tingkat 7 Bangunan MARA No. 33 Jalan Pangkalan Weld 10300 Pulau Pinang	Tel: 04 – 2555333 Faks: 04 – 2555200
10.	Jabatan Kesihatan Negeri Perlis Jalan Raja Syed Alwi, 01000 Kangar Perlis	Tel: 04-9773333 Faks: 04-9760764/9774855
11.	Jabatan Kesihatan Negeri Kelantan Tingkat 5, Wisma Persekutuan 15590 Kota Baharu, Kelantan Darul Naim	Tel: 09-7413300 Faks: 09-7441333
12.	Jabatan Kesihatan Negeri Terengganu Tingkat 5, Wisma Persekutuan Jalan Sultan Ismail 20920 Kuala Terengganu Terengganu Darul Iman	Tel: 09-6222866 Faks: 09-6245829
13.	Jabatan Kesihatan Negeri Pahang Jalan IM 4, Bandar Indera Mahkota 25582 Kuantan Pahang Darul Makmur	Tel: 09-570 7999 (Pengarah) Faks: 09-570 7799 (Pengurusan)
14.	Jabatan Kesihatan Negeri Sabah Tingkat 3, Rumah Persekutuan Jalan Mat Salleh, 88590 Kota Kinabalu Sabah	Tel: 088-265960 Faks: 088-221477
15.	Jabatan Kesihatan Negeri Sarawak Jalan Diplomatik, Off Jalan Bako 93050 Kuching Sarawak	Tel: 082-473200 Faks: 082 -443031
16.	Jabatan Kesihatan WP Labuan Peti surat 80832 87018 Wilayah Persekutuan Labuan	Tel: 087-411702, 412097, 423641, 423581 Faks: 087-411298 (Pejabat Pengarah), 087-412342 (Pengurusan)





KEMENTERIAN KESIHATAN MALAYSIA

Diterbitkan oleh

Kementerian Kesihatan Malaysia
Bahagian Keselamatan dan Kualiti Makanan
Aras 4, Menara Prisma
No. 26, Jalan Persiaran Perdana, Presint 3
Pusat Pentadbiran Kerajaan Persekutuan
62675 Putrajaya, Malaysia

Tel : 03 88850797 Fax : 03 88850790



fsq.moh.gov.my



[BKKMPutrajaya](https://twitter.com/BKKMPutrajaya)



[BKKMHQ](https://www.facebook.com/BKKMHQ)



[bkkm_official](https://www.instagram.com/bkkm_official)

PKKM/BK/2021/05/Mac
Revision 1/ 2022/ Dis

"KESELAMATAN MAKANAN TANGGUNGJAWAB BERSAMA"